


ব্রজাঙ্গনা কাব্য

মাইকেল মধুসূদন দত্ত


[১৮৩১ খ্রীষ্টাব্দে প্রথম প্রকাশিত]



সম্পাদক :

শ্রীব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীন্দ্র-সাহিত্য-পরিষৎ

২৪৩১, আপার সারকুলার রোড

• কলিকাতা

প্রকাশক
শ্রীরামকমল সিংহ
বঙ্গীয়-সাহিত্য-পরিষৎ

অগ্রহায়ণ, ১৩৪৭

মূল্য দশ আনা

মুদ্রাকর—শ্রীসৌরীন্দ্রনাথ দাস
শনিরঞ্জন প্রেস, ২৫।২ মোহনবাগান রো, কলিকাতা
৩'২—২।১২।১২৪০ .

ভূমিকা

কবি মধুসূদন বাংলা কাব্য-সাহিত্যে বহুবিধ নূতন পদ্ধতির প্রবর্তক, 'ব্রজাঙ্গনা কাব্য'র রচনা-রীতিও বাংলা দেশে সম্পূর্ণ নূতন; এগুলি স্মরে গেয় মহাজন-পদাবলীও নয়, আবার পালায় বিভক্ত কবি বা পাঁচালি-গানও নয়। মধুসূদন স্বয়ং এগুলিকে Ode আখ্যা দিয়াছেন। অমিত্রাক্ষর ছন্দ ও চতুর্দশপদী কবিতার মত মধুসূদন বাংলায় এই শ্রেণীর গীতিকবিতারও জন্মদাতা। তাঁহার সৃষ্টি-প্রতিভার অবিসম্বাদিত প্রাধান্য এই সকল নূতন রীতির উপর স্থাপিত।

বহু মহাজন রাধা ও কৃষ্ণের প্রেম-বিরহ লইয়া কাব্য রচনা করিয়াছেন; বাংলা-সাহিত্যের আদিমতম যুগ হইতে আজ পর্য্যন্ত কাব্যকারগণ এই লোভনীয় বিষয়ের মায়া ত্যাগ করিতে পারেন নাই। প্রেমিক কবি মধুসূদনও রাধাকৃষ্ণকে কেন্দ্র করিয়া কাব্য-রচনার সুযোগ পরিত্যাগ করেন নাই। তিনি বিচিত্র ছন্দে রাধা-বিরহের গান গাহিয়াছেন। অনেকে ইহার মধ্যে প্রাচীন পদ্ধতির সহিত গরমিল অথবা ইউরোপীয় ভাবের ছায়া দেখিয়াছেন, কিন্তু আসলে এই কাব্যের পংক্তিতে পংক্তিতে যে একটি ভাবোন্মত্ত বাঙালী কবি-চিত্তের সংস্পর্শ আছে, তাহাও অস্বীকার করিবার উপায় নাই। সর্ব্বাপেক্ষা বিস্ময়ের বিষয়, মধুসূদন যখন সঙ্গ-আবিষ্কৃত অমিত্রাক্ষর ছন্দের পরীক্ষা করিতেছিলেন, তখনই এই সঙ্গীত-মুখর মিল-বহুল কাব্যটি রচিত হইয়াছে। কাব্য বা বিষয়ের বৈচিত্র্য-বিচার আমাদের এই ভূমিকার উদ্দেশ্য নয়। তাঁহার জীবনী ও পত্রাবলী হইতে এই পুস্তক-রচনার কাহিনী যেটুকু পাওয়া যায়, সেইটুকুই এখানে লিপিবদ্ধ হইল।

অমিত্র ছন্দে 'ভিলোক্তমাসম্ভব কাব্য' রচনার সময়ে মধুসূদন সম্ভবতঃ মুখ বদলাইবার জগ্গই 'ব্রজাঙ্গনা কাব্য' রচনায় হস্তক্ষেপ করেন। তিনি এই কালে নিধু গুপ্ত, রাম বসু, হরু ঠাকুর প্রভৃতির গীতি-কাব্য ও জয়দেব-বিজ্ঞাপতির পদাবলী বিশেষভাবে আলোচনা করিতেছিলেন। ১৮৬০

খ্রীষ্টাব্দের ২৪ এপ্রিল তারিখে রাজনারায়ণ বসুকে লিখিত একটি পত্রে আছে :—

I enclose the opening invocation of my “মেঘনাদ”—you must tell me what you think of it. A friend here, a good judge of poetry, has pronounced it magnificent. By the bye, I have a small volume of odes in the press. They are all about poor old Radha and her বিবহ। You shall have a copy as soon as the book is out of the press.

[আমাব “মেঘনাদে”র প্রস্তাবনা-অংশ পাঠাইতেছি—তোমাব কেমন লাগে অবশ্য জানাইবে। কবিতা সম্বন্ধে ভাল বিচাববুদ্ধিসম্পন্ন এখানকাব একজন বন্ধু ইহাব উচ্চ প্রশংসা কবিয়াছেন। ভাল কথা, গীতি-কবিতার একটি ছোট পুস্তিকা ছাপিতে দিয়াছি ; আমাদেব চিবপুৰাতন দাবা ঠাকুবাণী ও তাঁহাব বিবহ লইয়া ইহা লিখিত। বইটি ছাপাখানাব ববল হইতে মুক্ত হইলেই তোমাকে এবখণ্ড পাঠাইব।]

ঐ বৎসরের জুলাই [?] মাসে রাজনারায়ণকে লিখিত আর একটি পত্রে মধুসূদন বলিতেছেন :

By the bye বাণার বিবহ is in the press. Somehow or other, I feel backward to publish it. What have I to do with Rhyme.

[আব এক কথা, বাধাব বিবহ ছাপা হইতেছে। কেন জানি না, বইটি প্রকাশ কবিতে আমাব সঙ্কোচ হইতেছে। মিত্রচ্ছন্দেব ব্যাপাবে আমি কেন থাকি ?]

ইহা হইতে স্পষ্ট বুঝা যায় যে, ‘ব্রজাঙ্গনা কাব্য’ মধুসূদন অন্তরের আবেগেই লিখিয়াছিলেন। নূতন পরীক্ষার জন্ত নয়। লিখিয়া তাঁহার লজ্জাবোধ হইয়াছিল। এই ক্ষুদ্র কাব্যটি সম্বন্ধে তাঁহার বিশেষ মমতা যে ছিল, এরূপও মনে হয় না ; যদিও ইহার কিছু দিন পরেই তিনি রাজনারায়ণকে লিখিয়াছিলেন—

Have you received a copy of the Odes (Brajangana)? Pray, why then are you silent? Some fellows here pretend to be enchanted with them.

[গীতিকবিতামলির (ব্রজাঙ্গনার) একখণ্ড তোমার হাতে পৌঁছিয়াছে কি? মোহাই তোমার, পাইয়া থাকিলে সে সম্বন্ধে নীরব থাকিও না। এখানকার কেহ কেহ উহা পড়িয়া মোহিত হইয়া গিয়াছে এরূপ ভাব দেখাইতেছে।]

ইহাতে আগ্রহের অপেক্ষা কোঁতুক বেশী। ১৮৬১ খ্রীষ্টাব্দের ২৯ আগষ্ট তারিখের একটি পত্রে (রাজনারায়ণকে লিখিত) এই মনোভাব স্পষ্টতর হইয়া উঠিয়াছে :—

I think you are rather cold towards the poor lady of Braja. Poor man ! When you sit down to read poetry, leave aside all religious bias. Besides, Mrs Radha is not such a bad woman after all. If she had a "Bard" like your humble servant from the beginning, she would have been a very different character. It is the vile imagination of poetasters that has painted her in such colours.

[মনে হইতেছে, ব্রজের অঙ্গনা বেচাবাকে তুমি উপেক্ষাই কবিয়াছ। গায় হতভাগ্য। কবিতা-পাঠের সময় ধর্মের সংস্কার শিকায় তুলিয়া রাখিতে হয়। তা ছাড়া, শ্রীমতী বাণা মোটের উপর তেমন মন্দ লোক নন। যদি শুরু হইতে এই অধিনেত্র মত একজন চাবণ তাঁহাৰ জুটিত, তাহা হইলে তাঁহাৰ চবিত্র ভিন্নরূপ দেখিতে পাইতে। তথাকথিত কবিদের দৃষ্ট করনাই তাঁহাকে একপ বণ্ডে চিত্রিত করিয়াছে।]

এই পত্র হইতেই বুঝা যায়, মধুসূদন ব্রজাঙ্গনা বলিতে রাধাকেই বুঝিয়াছেন। 'ব্রজাঙ্গনা কাব্য' রাধা-বিরহের কাব্য।

ব্রজাঙ্গনার প্রকাশ সম্বন্ধে মধুসূদনের চিঠিতে নিম্নলিখিত মন্তব্যটুকু মাত্র পাওয়া যায়। এই পত্রটিও রাজনারায়ণ বসুকে লিখিত।

The "Odes" are out, and I have requested Baboo Baikantath Dutta (a co-religionist of yours) who is the proprietor of the copy-right, to send you a copy.

[গীতিকবিতাগুলি প্রকাশিত হইয়াছে। এই পুস্তকের স্বত্বাধিকারী বাবু বৈকুণ্ঠনাথ দত্তকে (তোমার সমধর্মী) ইহাৰ একখণ্ড তোমার কাছে পাঠাইবাব ভ্রম অধ্বনোদ কবিয়াছি।]

এই বৈকুণ্ঠনাথ দত্ত সম্বন্ধে সামান্য খবর 'জ্যোতিরিন্দ্রনাথের জীবন-স্মৃতি'তে আছে। তিনি বলিতেছেন—

মাইকেল মধুসূদন দত্ত মহাশয় বিরূপ সহায় ব্যক্তি ছিলেন তাহাৰ একটা ঘটনা বলিতেছি। বৈকুণ্ঠনাথ দত্ত নামে আমাদের একজন পরিচিত এবং অহুগত লোক ছিলেন। তিনি সর্কদাই তাঁর টাকে হাত ব্লাইভেন এবং ব্যবসা সম্বন্ধীয় নানাবিধ মংলব আঁটিভেন। কিন্তু কোন ব্যবসায়েই তিনি লাভবান হইতে পারেন নাই। যে

কায়েই তিনি হস্তক্ষেপ করিয়াছেন তাহাতেই ক্ষতিগ্রস্ত হইয়াছেন। কিন্তু এ দিকে তিনি একজন প্রকৃত কাব্যবাসিক ও বসন্ত ব্যক্তি ছিলেন। মাইকেলের নিকট হইতে “ব্রজাঙ্গনা” কাব্যের পাণ্ডুলিপি লইয়া পড়িয়া অস্বপ্নি, তিনি মাইকেলের অতিশয় অল্পবয়স্ক হইয়া পড়েন; “ব্রজাঙ্গনা” পড়িয়া তিনি মুগ্ধ হইয়া গিয়াছিলেন। মাইকেল তাহা জানিতে পাবিয়া—“ব্রজাঙ্গনা”র সমস্ত স্বত্ব (copy right) সেই পাণ্ডুলিপি অবস্থাতেই বৈকুণ্ঠবাবুকে দান করেন। বৈকুণ্ঠবাবু নিজ-ব্যয়ে কাব্যখানি প্রথম প্রকাশ করেন।—
পৃ. ৬৭-৬৮।

বৈকুণ্ঠনাথ দত্ত প্রথম সংস্করণের পুস্তকে একটি “বিজ্ঞাপন” লিখিয়াছিলেন। এই বিজ্ঞাপনের তারিখ ২৮ আষাঢ়, ১২৬৮; অর্থাৎ ১৮৬১ খ্রীষ্টাব্দের জুলাই মাসের মাঝামাঝি ইহা পুস্তকাকারে প্রকাশিত হইয়াছিল। প্রথম সংস্করণের আখ্যাপত্র এইরূপ—

ব্রজাঙ্গনা কাব্য। / কবিবর শ্রীযুক্ত মাইকেল মধুসূদন দত্ত / প্রণীত। / গোপা-
ভর্তৃবিবচবিধূর্ণা— / উদ্বলিত— / পদাঙ্কদূত। / শ্রী আব. এম. বসন্ত কোম্পানী কর্তৃক /
প্রকাশিত। / কলিকাতা স্ত্যাক যন্ত্রে শ্রীলালচাঁদ বিশ্বাস এণ্ড কোম্পানী / কর্তৃক
বাহির মুদ্রাপূর্ব ১৩ সখ্যক / ভগ্নে মুদ্রিত। / ১৮৬১। /

প্রথম সংস্করণের “বিজ্ঞাপন”টিও হুবহু উদ্ধৃত হইল—

বিজ্ঞাপন।

কবিবর শ্রীযুক্ত মাইকেল মধুসূদন দত্তজ মহাশয়ের কাব্যাদি বচনা কবিবাব যে প্রকাব অদ্ভুতশক্তি, তাহা তৎপ্রণীত অত্যল্পকাল-সমুত “শশিষ্ঠা,” “পদ্মাবতী” ও “কৃষ্ণকুমারী” নাটক, “একেই কি বলে সভ্যতা, ?” “বুড়সালিকের ঘাড়েবোঁয়া,” অমিত্রাক্ষর “তিলোত্তমাসম্ভব” এবং “মেঘনাদবধ কাব্য” প্রত্যক্ষ প্রমাণ প্রদান করিতেছে; আমি তাহার কি বর্ণন করিব? তিনি শেষোক্ত দুই খানি গ্রন্থ রচনা করিয়া যে বাঙ্গলা ভাষায় একটি নূতন কাব্য বচনাব পথ প্রদর্শন করিয়াছেন, ইহা অবশ্যই স্বীকার করিতে হইবেক।

তাঁহার অমিত্রাক্ষর কবিতা বচনাতে বাদৃশ অল্পরাগ মিত্রাক্ষরে কিছু সেবপ নাই বটে; তথাপি তিনি যে প্রণালীতে এই ক্ষুদ্র কাব্যখানি রচনা করিয়াছেন, ইহাতে তাঁহার মিত্রামিত্র উদ্বোধক অক্ষবেই তদ্রচনার ক্ষমতা প্রতিপন্ন করিতেছে।

শ্রীকৃষ্ণের লীলা বিষয়ে শ্রীমতী রাধিকার প্রেম প্রসঙ্গে অনেকেই অনেক প্রকাব কাব্য রচনা করিয়া গিয়াছেন ও করিতেছেন, কিন্তু বাঙ্গলা ভাষায় একপ নূতন ছন্দ ও স্তম্ভুর নবভাব পরিপূরিত কবিতা এ পর্য্যন্ত কেহই রচনা করেন নাই বোধ হয়।

সদয়হৃদয় কবিবব দত্তজ মহোদয় স্বীয় বদান্ততা ও উদাখ্যুত্বে এই গ্রন্থ খানিব স্বাধিকার পবিত্র্যাগ কবিয়া এক কালে আমাকে দান কবিয়াছেন। আমি তদীয় দাতৃত্ব ও মহত্ত্বগুণ কীর্ত্তনপূর্ব্বক তাঁহাব নিকট ব্রতজ্ঞতা স্বীকাৰ কবত কববতাস্তা স্ত্রীশ্রীযুক্ত আব. এম. বসু কোম্পানী দ্বাবা এই গ্রন্থ খানি প্রকাশ কবিলাম।

আপাততঃ এই গ্রন্থ খানিব ‘বিবহ’ বিষয়টি ১৮টি প্রস্তাবে প্রথম সর্গে প্রকাশিত হইল ; যদি পাঠকমণ্ডলীর নিকটে কাঙ্গালিনী ব্রজাঙ্গনাকে স্মমধুবভাষিনীৰূপে সমাদৃত হইতে দেখা যায়, তাহা হইলে গ্রন্থকাৰেব শ্রম সাফল্য এবং প্রকাশকেব ব্যয়েব সাৰ্থকতা জ্ঞান কবত সোমসকচিত্তে শ্রীমন্দেব নন্দন শ্রীকৃষ্ণেব সচিত বুকভাহু নাম্ভনী শ্রীমতা বাধিকার সন্মিলন, সম্ভোগাদি বিষয় ক্রমশঃ সর্গাস্তব হইতে সর্গাশ্রবে প্রকটনপূর্ব্বক ব্রজাঙ্গনাকে সৰ্ব্বাঙ্গসৌষ্ঠবাবিত্তা কবিতে যত্নবান্ হইব হাঁত।

কলিকাতা
২৮ আষাঢ় ১২৬৮।

}

শ্রীবৈকুণ্ঠনাথ দত্ত।

পুনশ্চঃ গ্রন্থেব স্বাধিকার বক্ষার জ্ঞাত্বে যে বাস্তব নিয়ম প্রচলিত আছে সেঃ নিয়মানুসাবে এই গ্রন্থ খানি বেজেষ্টবা কবিলাম।

“অমিত্রাক্ষর কবিতা রচনাতে অনুরাগ” সত্ত্বেও মধুসূদন এই ছন্দোবদ্ধ গাথাগুলি রচনা কবিয়া বিশেষ আশ্রয়প্রসাদ লাভ কবিয়াছিলেন। গতানুগতিক পয়ার ও ত্রিপদীর মোহ এড়াইয়া তিনি নিজের আবিষ্কৃত (নানা ছন্দেব সংমিশ্রণে) ছন্দ-স্তবক-পদ্ধতিব পরীক্ষায় ‘ব্রজাঙ্গনা কাব্য’ ফাঁদিয়াছিলেন। ১৮৬০ খ্রীষ্টাব্দেব ১৪ জুলাই তারিখে তিনি রাজনারায়ণব বসুকে লিখিয়াছিলেন—

I have made up my mind to write (Deo volente!) three short poems in Blank-verse, and then do something in rhyme, don't fancy I am going to inflict পয়ার and ত্রিপদী on you. No! I mean to construct a stanza like the Italian Ottava Rima and write a romantic tale in it,...

[ভগবান্ যদি বিরূপ না হন, অমিত্রহৃদে তিনটি ছোট কাব্যতা এবং পবে যিএছন্দে কিছু লিখিতে মনস্থ কবিয়াছি ; তোমাদেব উপব পয়ার ও ত্রিপদীর বোঝা চাপাইব, এরূপ কল্পনা কবিও না। ইতালীয় অষ্টাভা রিমাৰ আদর্শে ছন্দ-স্তবক সৃষ্টি কবিয়া তাহাতেই একটি প্রেমেব গল্প লিখিতে চাই।]

এই কাৰ্য্য যে তিনি নিজের অভিপ্ৰায়ানুযায়ী কবিয়া যাইতে পাবিয়াছিলেন, রাজনারায়ণেব নিকট লিখিত পরবর্ত্তী চিঠিতেই তাহার প্রমাণ আছে :

How [Here ?] you are, old boy, a Tragedy, a volume of Odes, and one half of a real Epic poem ! All in the course of one year ; and that year only half old !

[বন্ধু, দেখিতেছ তো—একটি বিষোগান্ত নাটক, একটি গীতিকবিতা-সংগ্রহ এবং খাটি মহাকাব্যের আধখানা—সমস্তই এক বছবে ! এক বছর কেন, ছয় মাসে !]

প্রথম সংস্করণের “বিজ্ঞাপনে” এই কাব্যের অন্যান্য সর্গ প্রকাশের উল্লেখ আছে। মধুসূদন রাধা-বিরহ আরও খানিকটা লিখিতে আরম্ভ করিয়াছিলেন ; দুঃখের বিষয়, তিনটি স্তবকের বেশী তিনি অগ্রসর হইতে পারেন নাই। এই অংশও আমরা গ্রন্থশেষে সংযোজন করিলাম।

মধুসূদনের জীবিতকালে ‘ব্রজাঙ্গনা কাব্যের’ দুইটি সংস্করণ হইয়াছিল। পাঠভেদ গ্রন্থশেষে দ্রষ্টব্য।

চুরুর শব্দ ও বাক্যাংশের অর্থ, অন্যান্য প্রয়োজনীয় মন্তব্য এবং মুদ্রাকরপ্রমাদ ও অন্যান্য কারণে ছন্দপতন ও অর্থ-অসঙ্গতি “পরিশিষ্টে” প্রদত্ত ও প্রদর্শিত হইল।

ବ୍ରଜାଙ୍ଗନା କାବ୍ୟ

୧୮୬୫ ଶ୍ରୀଫଳାଙ୍କେ ମୁଦ୍ରିତ ଦ୍ଵିତୀୟ ସଂସ୍କରଣ ହିତେ]

ইন্দ্র চাপ রূপ ধরি, মেঘরাজ ধ্বজোপরি,
শোভিতেছে কামকেতু—খচিত রতনে !

২

লাজে বুকি গ্রহরাজ মুদিছে নয়ন !
মদন উৎসবে এবে, মাতি ঘনপতি সেবে
রতিপতি সহ রতি ভুবনমোহন !
চপলা চঞ্চলা হয়ে, হাসি প্রাণনাথে লয়ে
তুষ্টিছে তাহায় দিয়ে ঘন আলিঙ্গন !

৩

নাচিছে শিখিনী স্নখে কেকা রব করি,
হেরি ব্রজ কুঞ্জবনে, রাধা রাধাপ্রাণধনে,
নাচিত যেমতি যত গোকুল সুন্দরী !
উড়িতেছে চাতকিনী শূন্যপথে বিহারিণী
জয়ধ্বনি করি ধনী—জলদ কিঙ্করী !

৪

হায় রে কোথায় আজি শ্যাম জলধর ।
তব প্রিয় সৌদামিনী, কাঁদে নাথ একাকিনী
রাধারে ভুলিলে কি হে রাধামনোহর ?
রত্নচূড়া শিরে পরি, এস বিশ্ব আলো করি,
কনক উদয়াচলে যথা দিনকর !

৫

তব অপরূপ রূপ হেরি, গুণমণি,
অভিমাণে ঘনেশ্বর যাবে কাঁদি দেশান্তর,
আখণ্ডল ধনু লাজে পালাবে অমলি ;

দিনমণি পুনঃ আসি উদিকে আকাশে হাসি ;
রাধিকার সুখে সুখী হইবে ধরনী ;

৬

নাচিবে গোকুল নারী, যথা কমলিনী
নাচে মলয়-হিল্লোলে সরসী-রূপসী-কোলে,
রুণু রুণু মধু বোলে বাজায়ে কিঙ্কণী !
বসাইও ফুলাসনে এ দাসীরে তব সনে
তুমি নব জলধর এ তব অধীনী !

৭

অরে আশা আর কি রে হবি ফলবতী ?
আর কি পাইব তারে সদা প্রাণ চাহে যারে
পতি-হারা রতি কি লো পাবে রতি-পতি ?
মধু কহে হে কামিনী, আশা মহামায়াবিনী !
মরীচিকা কার তুষা কবে তোষে সতি ?

৩

যমুনাতটে

১

মুছ কলরবে তুমি, ওহে শৈবলিনি,
কি কহিছ ভাল করে কহ না আমারে ।
সাগর-বিরহে যদি, প্রাণ তব কাঁদে, নদি,
তোমার মনের কথা কহ রাধিকারে—
তুমি কি জ্ঞান না, ধনি, সেও বিরহিণী ?

২

তপনতনয়া তুমি ; তেঁই কাদম্বিনী
 পালে তোমা শৈলনাথ কাঞ্চন ভবনে ;
 জন্ম তব রাজকূলে, (সৌরভ জনমে ফুলে)
 রাধিকারে লজ্জা তুমি কর কি কারণে ?
 তুমি কি জান না সেও রাজার নন্দিনী ?

৩

এস, সখি, তুমি আমি বসি এ বিরলে !
 হুজনের মনোজ্বালা জুড়াই হুজনে ;
 তব কূলে, কল্লোলিনি, আমি আমি একাকিনী,
 অনাথা অতিথি আমি তোমার সদনে—
 তিতিছে বসন মোর নয়নের জলে !

৪

ফেলিয়া দিয়াছি আমি যত অলঙ্কার—
 রতন, মুকুতা, হীরা, সব আভরণ !
 ছিঁ ডিয়াছি ফুল-মালা জুড়াতে মনের জ্বালা,
 চন্দন চর্চিত দেহে ভাস্কর লেপন !
 আর কি এ সবে সাদ আছে গো রাধার ?

৫

তবে যে সিন্দূর বিন্দু দেখিছ ললাটে,
 সধবা বলিয়া আমি রেখেছি ইহারে !
 কিন্তু অগ্নিশিখা সম, হে সখি, সীমন্তে মম
 জ্বলিছে এ রেখা আজি—কহিহু তোমারে—
 গোপিলে এ সব কথা প্রাণ যেন ফাটে!

বসো আসি, শশিমুখি, আমার আঁচলে,
 কমল আসনে যথা কমলবাসিনী !
 ধরিয়া তোমার গলা, কাঁদি লো আমি অবলা,
 ক্ষণেক ভুলি এ জ্বালা, ওহে প্রবাহিণি !
 এস গো বসি ছুজনে এ বিজন স্থলে !

৭

কি আশ্চর্য্য ! এত করে করিছ মিনতি,
 তবু কি আমার কথা শুনিলে না, ধনি ?
 এ সকল দেখে শুনে, রাধার কপাল-গুণে,
 তুমিও কি ঘৃণিলা গো রাধায়, স্বজনি ?
 এই কি উচিত তব, ওহে শ্রোতস্বতি ?

৮

হায় রে তোমারে কেন দোষি, ভাগ্যবতি ?
 ভিখারিণী রাধা এবে—তুমি রাজরাণী ।
 হরপ্রিয়া মন্দাকিনী, স্নুভগে, তব সঙ্গিনী,
 অর্পণ সাগর-করে তিনি তব পাণি !
 সাগর-বাসরে তব তাঁর সহ গতি !

৯

মুছ হাসি নিশি আসি দেখা দেয় যবে,
 মনোহর সাজে তুমি সাজ লো কামিনী ।
 তারাময় হার পরি, শশধরে শিরে ধরি,
 কুসুমদাম কবরী, তুমি বিনোদিনী,
 দ্রুতগতি পতিপাশে যাও কলরবে ।

১০

হায় রে এ ব্রজে আজি কে আছে রাধার ?
 কে জানে এ ব্রজজনে রাধার যাতন ?
 দিবা অবসান হলে, রবি গেলে অস্তাচলে,
 যদিও ঘোর তিমিরে ডোবে ত্রিভুবন,
 নলিনী যেমনি জলে—এত জ্বালা কার ?

১১

উচ্চ তুমি নীচ এবে আমি হে যুবতি,
 কিন্তু পর-ছুঃখে ছুঃখী না হয় যে জন,
 বিফল জনম তার, অবশ্য সে ছুরাচার ।
 মধু কহে, মিছে ধনি করিছ রোদন,
 কাহার হৃদয়ে দয়া করেন বসতি ?

৪

ময়ূরী

১

তরুশাখা উপরে, শিখিনি,
 কেনে লো বসিয়া তুই বিরস বদনে ?
 না হেরিয়া শ্যামচাঁদে, তোরও কি পরাণ কাঁদে,
 তুইও কি ছুঃখিনী !
 আহা ! কে না ভালবাসে রাধিকারমণে ?
 কার না জুড়ায় আঁখি শশী, বিহঙ্গিমি ?

৩

শমীর হৃদয়ে অগ্নি জ্বলে—
 কিন্তু সে কি বিরহ-অনল, বসুন্ধরে ?
 তা হলে বন-শোভিনী
 জীবন যৌবনতাপে হারাত তাপিনী—
 বিরহ ছুরহ ছুহে হরে !
 পুড়ি আমি অভাগিনী, চেয়ে দেখ না মেদিনি,
 পুড়ে যথা বনস্থলী ঘোর দাবানলে !

৪

আপনি তো জান গো ধরণি
 তুমিও তো ভালবাস ঋতুকুলপতি !
 তার শুভ আগমনে
 হাসিয়া সাজহ তুমি নানা আভরণে—
 কামে পেলে সাজে যথা রতি !
 অলকে ঝলকে কত ফুল-রত্ন শত শত !
 তাহার বিরহ ছুঃখ ভেবে দেখ, ধনি !

৫

লোকে বলে রাখা কলঙ্কিনী !
 তুমি তারে ঘৃণা কেনে কর, সীমন্তিনি ?
 অনন্ত, জলধি নিধি—
 এই ছুই বরে তোমা দিয়াছেন বিধি,
 তবু তুমি মধুবিলাসিনী !
 শ্যাম মম প্রাণ স্বামী— শ্যামে হারিয়েছি আমি,
 আমার ছুঃখে কি তুমি হও না ছুঃখিনী ?

৬

হে মহি, এ অবোধ পরাণ
 কেমনে করিব স্থির কহ গো আমারে ?
 বসন্তরাজ বিহনে
 কেমনে বাঁচ গো তুমি— ভাবিয়া মনে—
 শেখাও সে সব রাধিকারে ।
 মধু কহে, হে সুন্দরি, থাক হে ধৈর্য ধরি,
 কালে মধু বসুধারে করে মধুদান !

৬

প্রতিধ্বনি

১

কে তুমি, শ্রামেরে ডাক রাখা যথা ডাকে—
 হাহাকার রবে ?
 কে তুমি, কোন্ যুবতী, ডাক এ বিরলে, সতি,
 অনাথা রাধিকা যথা ডাকে গো মাধবে ?
 অভয় হৃদয়ে তুমি কহ আসি মোরে—
 কে না বাঁধা এ জগতে শ্রাম-প্রেম-ডোরে !

২

কুমুদিনী কায়, মনঃ সঁপে শশধরে—
 ভুবনমোহন !
 চকোরী শশীর পাশে, আসে সদা সুধা আশে,
 নিশি হাসি বিহারয়ে লয়ে সে রতন ;

৬

এস, সখি, তুমি আমি ডাকি ছই জনে
রাধা-বিনোদন ;

যদি এ দাসীর রব, কুরব ভেবে মাধব
না শুনেন, শুনিবেন তোমার বচন !
কত শত বিহঙ্গিনী ডাকে ঋতুবরে—
কোকিলা ডাকিলে তিনি আসেন সত্বরে !

৭

না উত্তরি মোরে, রামা, যাহা আমি বলি,
তাই তুমি বল ?

জানি পরিহাসে রত, রঞ্জিণি, তুমি সতত,
কিন্তু আজি উচিত কি তোমার এ ছল ?
মধু কহে, এই রীতি ধরে প্রতিধ্বনি,—
কাদ, কাদে ; হাস, হাসে, মাধব-রমণি !

৭

উষা

১

কনক উদয়াচলে তুমি দেখা দিলে,
হে সুর-সুন্দরি !

কুমুদ মুদয়ে আঁখি, কিন্তু সুখে গায় পাখী,
গুঞ্জরি নিকুঞ্জে ভ্রমে ভ্রমর ভ্রমরী ;
বরসরোজিনী ধনী, তুমি হে তার স্বজনী,
নিত্য তার প্রাণনাথে আন সাথে করি !

২

তুমি দেখাইলে পথ যায় চক্রবাকী
যথা প্রাণপতি !

ব্রজাঙ্গনে দয়া করি, লয়ে চল যথা হরি,
পথ দেখাইয়া তারে দেহ শীঘ্রগতি !
কাঁদিয়া কাঁদিয়া আঁধা, আজি গো শ্যামের বাধা,
ঘুচাও আঁধার তার, হৈমবতি সতি !

৩

হায়, উষা, নিশাকালে আশার স্বপনে
ছিলাম ভুলিয়া,
ভেবেছিহু তুমি, ধনি, নাশিবে ব্রজ বজনী,
ব্রজের সরোজরবি ব্রজে প্রকাশিয়া !
ভেবেছিহু কুঞ্জবনে পাইব পরাণধনে,
হেরিব কদম্বমূলে রাখা বিনোদিয়া !

৪

মুকুতা কুণ্ডলে তুমি সাজাও, ললনে,
কুসুমকামিনী ;
আন মন্দ সমীরণে বিহারিতে তার সনে,
রাখা বিনোদনে কেন আন না, রঞ্জিণি ?
রাধার ভূষণ যিনি, কোথায় আজি গো তিনি ?
সাজাও আনিয়া তাঁরে রাখা বিরহিণী !

৫

ভালে তব জ্বলে, দেবি, আভাময় মণি—
• বিমল কিরণ :

আর কি নাচে লো তমালের তলে
 বনমালিয়া ?
 প্রেমের পিঞ্জর, ভাঙি পিকবর,—
 গেছে উড়িয়া !

৪

আর কি বাজে লো মনোহর বাঁশী
 নিকুঞ্জবনে ?
 ব্রজ সুধানিধি শোভে কি লো হাসি,
 ব্রজগগনে ?
 ব্রজ কুমুদিনী, এবে বিলাপিনী
 ব্রজভবনে !

৫

হায় রে যমুনে, কেনে না ডুবিল
 তোমার জলে
 অদয় অক্রুর, যবে সে আইল
 ব্রজমণ্ডলে ?
 ক্রুর দূত হেন, বধিলে না কেন
 বলে কি ছলে ?

৬

হরিল অধম মম প্রাণ হরি
 ব্রজরতন !
 ব্রজবনমধু নিল ব্রজ অরি,
 দলি ব্রজবন ?
 কবি মধু ভণে, পাবে, ব্রজাঙ্গনে,
 • মধুসূদন !

৯

মলয় মারুত

শুনেছি মলয় গিরি তোমার আলায়—

মলয় পবন !

বিহঙ্গিনীগণ তথা গাহে বিছাধরী যথা
 সঙ্গীত সুধায় পূরে নন্দনকানন ;
 কুসুমকুলকামিনী, কোমলা কমলা জিনি,
 সেবে তোমা, রতি যথা সেবেন মদন !

২

হায়, কেনে ব্রজে আজি ভ্রমিছ হে তুমি—

মন্দ সমীরণ ?

যাও সরসীর কোলে, দোলাও মৃচ্ছ হিল্লোলে
 সুপ্রফুল্ল নলিনীরে—প্রেমানন্দ মন !
 ব্রজ-প্রভাকর যিনি, ব্রজ আজি ত্যজি তিনি,
 বিরাজেন অস্তাচলে—নন্দের নন্দন !

৩

সৌরভ রতন দানে তুষিবে তোমারে

আদরে নলিনী ;

তব তুল্য উপহার কি আজি আছে রাধার ?
 নয়ন আসারে, দেব, ভাসে সে ছঃখিনী !
 যাও যথা পিকবধু— বরিষে সঙ্গীত-মধু,—
 এ নিকুঞ্জে কাঁদে আজি রাধা বিরহিণী !

৪

তবে যদি, স্নভগ, এ অভাগীর দুঃখে
 দুঃখী তুমি মনে,
 যাও আশু, আশুগতি, যথা ব্রজকুলপতি--
 যাও যথা পাবে, দেব, ব্রজের রতনে !
 রাধার রোদনধ্বনি বহ যথা শ্যামমণি—
 কহ তাঁরে মরে রাধা শ্যামের বিহনে !

৫

যাও চলি, মশাবলি, যথা বনমালী-
 বাধিকা-বাসন ;
 তুঙ্গ শৃঙ্গ ছুটমতি, রোধে যদি তব গতি,
 মোর অনুরোধে তাঁরে ভেঙো, প্রভঞ্জন !
 ওরুরাজ যুদ্ধ আশে, তোমারে যদি সম্ভাষে—
 বজ্রাঘাতে যেও তার করিয়া দলন !

৬

দেখি তোমা পীরিতের ফাদ পাতে যদি
 নদী রূপবতী ;
 মজ্জা না বিভ্রমে তার, তুমি হে দূত রাধার,
 হেরো না, হেরো না দেব কুসুম যুবতী !
 কিনিতে তোমার মন, দিবে সে সৌরভধন,
 অবহেলি সে ছলনা, যেয়ো আশুগতি !

৭

শিশিরের নীরে ভাবি অশ্রুবারিধারা,
 • ভুলো না, পবন !

কোকিলা শাখা উপরে, ডাকে যদি পঞ্চস্বরে,
 মোর কিরে শীঘ্র করে ছেড়ো সে কানন !
 স্মরি রাধিকার ছুঃখ, হইও সুখে বিমুখ—
 মহৎ যে পরছুঃখে ছুঃখী সে স্নজন !

৮

উতরিবে যবে যথা রাধিকারমণ,
 মোর দূত হয়ে,
 কহিও গোকুল কান্দে চারাইয়া শ্যামচাঁদে—
 রাধার রোদনধ্বনি দিও তাঁরে লয়ে ;
 আর কথা আমি নারী শরনে কহিতে নারি,—
 মধু কহে, ব্রজাঙ্গনে, আমি দিব কয়ে ।

১০

বংশীধ্বনি

১

কে ও বাজাইছে বাঁশী, স্বজনি,
 মৃচ্ছ মৃচ্ছ স্বরে নিকুঞ্জ বনে ?
 নিবার উহারে ; শুনি ও ধ্বনি
 দ্বিগুণ আগুন জ্বলে লো মনে ?—
 এ আগুনে কেনে আছতি দান ?
 অমনি নারে কি জ্বালাতে প্রাণ ?

২

বসন্ত অস্তে কি কোকিলা গায়
 পল্লব-বসনা শাখা-সদনে ?
 নীরবে নিবিড় নীড়ে সে যায়—
 বাঁশীধ্বনি আজি নিকুঞ্জ বনে ?
 হায়, ও কি আর গীত গাইছে ?
 না হেরি শ্যামে ও বাঁশী কাঁদাচ্ছে ?

৩

শুনিয়াছি, সহি, ইন্দ্র কথিয়া
 গিরিকুল-পাখা কাটিলা যবে,
 সাগরে অনেক নগ পশিয়া
 রহিল ডুবিয়া—জলধিভবে ।
 সে শৈল সকল শির উচ্চ করি
 নাশে এবে সিদ্ধগামিনী তরী ।

৪

কে জানে কেমনে প্রেমসাগরে
 বিচ্ছেদ-পাহাড় পশিল আসি ?
 কার প্রেমতরী নাশ না করে—
 ব্যাধ যেন পাখী পাতিয়া ফাঁসি —
 কার প্রেমতরী মগনে না জলে
 বিচ্ছেদ-পাহাড়—বলে কি ছলে !

৫

হায় লো সখি, কি হবে স্মরিলে
 গন্ত সুখ ? তারে পাব কি আর ?

বাসি ফুলে কি লো সৌরভ মিলে ?
 ভুলিলে ভাল যা—স্মরণ তার ?
 মধুরাজে ভেবে নিদাঘ-জ্বালা,
 কহে মধু, সহ, ব্রজের বালা !

১১

গোধূলি

১

কোথা রে রাখাল-চূড়ামণি ?
 গোকুলের গাভীকুল, দেখ, সখি, শোকাকুল,
 না শুনে সে মুরলীর ধ্বনি !
 ধীরে ধীরে গোষ্ঠে সবে পশিছে নীরব,—
 আইল গোধূলি, কোথা রহিল মাধব !

২

আইল লো তিমির যামিনী ;
 স্তম্ভডালে চক্রবাকী বসিয়া কাঁদে একাকী—
 কাঁদে যথা রাধা বিরহিণী !
 কিন্তু নিশা অবসানে হাসিবে সুন্দরী ;
 আব কি পোহাবে কভু মোর বিভাবরী ?

৩

ওই দেখ উদিছে গগনে—
 জগত-জন-রঞ্জন— সুধাংশু রজনীধন,
 প্রমদা কুমুদী হাসে প্রফুল্লিত মনে ;

কলঙ্কী শশাঙ্ক, সখি, তোষে লো নয়ন—
ব্রজ নিঙ্কলঙ্ক শশী চুরি করে মন ।

৪

হে শিশির, নিশার আসার !
তিতিও না ফুলদলে ব্রজে আজি তব জলে,
বুথা ব্যয় উচিত গো হয় না তোমার ;
রাধার নয়ন-বারি ঝরি অবিবল,
ভিজাইবে আজি ব্রজে—যত ফুলদল !

৫

চন্দনে চচ্চিয়া কলেবর,
পরি নানা ফুলসাজ, লাজের মাথায় বাজ ;
মজায় কামিনী এবে রসিক নাগর ;
তুমি বিনা, হে বিরহ, বিকট মূর্তি,
কারে আজি ব্রজাঙ্গনা দিবে প্রেমারতি ?

৬

হে মন্দ মলয় সমীরণ,
সৌরভ ব্যাপারী তুমি, ত্যজ আজি ব্রজভূমি—
অগ্নি যথা জ্বলে তথা কি করে চন্দন ?
যাও হে, মোদিত কুবলয় পরিমলে,
জুড়াও সুরতক্রান্ত সৌমস্তিনী দলে !

৭

যাও চলি, বায়ু-কুলপতি,
কোকিলার পঞ্চস্বর বহ তুমি নিরস্তর-
ব্রজে আজি কাঁদে যত ব্রজের যুবতী !

মধু ভণে, ব্রজাঙ্গনে, করো না রোদন,
পাবে বঁধু—অঙ্গীকারে শ্রীমধুসূদন !

১২

গোবর্দ্ধন গিরি

১

নমি আমি, শৈলরাজ, তোমার চরণে—
রাধা এ দাসীর নাম—গোকুল গোপিনী ;
কেনে যে এসেছি আমি তোমার সদনে—
শরমে মরমকথা কহিব কেমনে,
আমি, দেব, কুলের কামিনী !

কিন্তু দিবা অবসানে, হেরি তারে কে না জানে,
নলিনী মলিনী ধনী কাহার বিহনে—
কাহার বিরহানল তাপে তাপিত সে সরঃ
সুশোভিনী ?

২

হে গিরি, যে বংশীধর ব্রজ-দিবাকর,
ত্যজি আজি ব্রজধাম গিয়াছেন তিনি ;
নলিনী নহে গো দাসী রূপে, শৈলেশ্বর,
তবুও নলিনী যথা ভজে প্রভাকর,
ভজে শ্যামে রাধা অভাগিনী !

হারায়ে এ হেন ধনে, অধীর হইয়া মনে,
এসেছি তব চরণে কাঁদিতে, ভূধর, '

কোথা মম শ্যাম গুণমণি ? মণিহারী
আমি গো ফণিনী !

৩

রাজা তুমি ; বনরাজী ব্রততী ভূমিত,
শোভে কিরীটের রূপে তব শিবোপরে ;
কুসুম রতনে তব বসন খচিত ;
সুমন্দ প্রবাহ—যেন রজতে রজিত—
তোমার উত্তরী রূপ ধরে ;

করে তব তরুবলী, রাজদণ্ড, মহাবলি,
দেহ তব ফুলরঞ্জে সদা ধূসরিত ;—
অসীম মহিমাধর তুমি; কে না তোমা পূজে
চরাচরে ?

৪

বরাঙ্গনা কুরঙ্গিনী তোমার কিঙ্করী ;
বিহঙ্গিনী দল তব মধুর গায়িনী ;
যত বননারী তোমা সেবে, হে শিখরি,
সতত তোমাতে রত বসুধা সুন্দরী—
তব প্রেমে বাঁধা গো মেদিনী !

দিবাভাগে দিবাকর তব, দেব, ছত্রধর
নিশাভাগে দাসী তব সূতারা শৰ্বরী !
তোমার আশ্রয় চায় আজি রাখা, শ্যাম-
প্রেম-ভিখারিণী !

৫

যবে দেবকুলপতি রুষি, মহীধর,
বরষিলা ব্রজধামে প্রলয়ের বারি,—

যবে শত শত ভীমমূর্ত্তি মেঘবর
গরজি গ্রাসিলা আসি দেব দিবাকর,
বারণে যেমনি বারণারি,—

ছত্র সম তোমা ধরি রাখিলা যে ব্রজে হরি,
সে ব্রজ কি তুলিলা গো আজি ব্রজেশ্বর ?
রাধার নয়নজলে এবে ডোবে ব্রজ ! কোথা
বংশীধারী ?

৬

হে ধীর ! শরমহীন ভেবো না রাধারে—
অসহ যাতনা দেব, সহিব কেমনে ?
ডুবি আমি কুলবালা অকূল পাথারে,
কি করে নীরবে রবো শিখাও আমারে—
এ মিনতি তোমার চরণে ।

কুলবতী যে রমণী, লজ্জা তার শিরোমণি—
কিস্ত এবে এ মনঃ কি বুঝিতে তা পারে !
মধু কহে, লাজে হানি বাজ, ভজ, বামা,
শ্রীমধুসূদনে !

১৩

সারিকা

১

ওই যে পাখীটি, সখি, দেখিছ পিঞ্জরে রে,
সতত চঞ্চল,—

কভু কাঁদে, কভু গায়, যেন পাগলিনী-প্রায়,
জলে যথা জ্যোতিবিশ্ব—তেমতি তরল ।

কি ভাবে ভাবিনী যদি বুঝিতে, স্বজনি,
পিঞ্জর ভাঙিয়া ওরে ছাড়িতে অমনি !

২

নিজে যে ছুঃখিনী, পরছুঃখ বুঝে সেই বে,
কহিনু তোমারে ;—

আজি ও পাখীর মনঃ বুঝি আমি বিলক্ষণ—
আমিও বন্দী লো আজি ব্রজ-কারাগারে !
সারিকা অধীর ভাবি কুসুম-কানন,
রাধিকা অধীর ভাবি রাধা-বিনোদন !

৩

বনবিহারিণী ধনী বসন্তের সখী রে—
শুকের সুখিনী ?

বলে ছলে ধরে তারে, বাঁধিয়াছ কারাগারে—
কেমনে ধৈরজ ধরি রবে সে কামিনী ?
সারিকার দশা, সখি, ভাবিয়া অন্তরে,
রাধিকারে বেঁধো না লো সংসার-পিঞ্জরে !

৪

ছাড়ি দেহ বিহগীরে মোর অনুরোধে রে—
হইয়া সদয় ।

ছাড়ি দেহ যাক্ চলি, হাসে যথা বনস্থলী—
শুকে দেখি সুখে ওর জুড়াবে হৃদয় !
সারিকার ব্যথা সারি, ওলো দয়াবতি,
রাধিকার বেড়ি ভাঙ—এ মম মিনতি ।

৫

এ ছার সংসার আজি আঁধার, স্বজনি রে—
রাধার নয়নে !

কেনে তবে মিছে তারে রাখ তুমি এ আঁধারে-
সফরী কি ধরে প্রাণ বারির বিহনে ?
দেহ ছাড়ি, যাই চলি যথা বনমালী ;
লাগুক কুলের মুখে কলঙ্কের কালি !

৬

ভাল যে বাসে, স্বজনি, কি কাজ তাহার রে
কুলমান ধনে ?

শ্যামপ্রেমে উদাসিনী রাধিকা শ্যাম-অধীনী-
কি কাজ তাহার আজি রত্ন আভরণে ?
মধু কহে, কুলে ভুলি কর লো গমন—
শ্রীমধুসূদন, ধনি, রসের সদন !

১৪

কৃষ্ণচূড়া

১

এই যে কুসুম শিরোপরে, পরেছি যতনে,
মম শ্যাম-চূড়া-রূপ ধরে এ ফুল রতনে !
বসুধা নিজ কুস্তলে পরেছিল কুতূহলে,
এ উজ্জ্বল মণি,
রাগে তারে গালি দিয়া, লয়েছি আমি কাড়িয়া-
মোর কৃষ্ণ-চূড়া কেনে পরিবে ধরনী ?

নিকুঞ্জবনে

১

যমুনা পুলিনে আমি ভ্রমি একাকিনী,
 হে নিকুঞ্জবন,
 না পাইয়া ব্রজেশ্বরে, আইলু হেথা সত্বরে,
 হে সখে, দেখাও মোরে ব্রজের রঞ্জন !
 সুধাংশু সুধার হেতু, বাঁধিয়া আশার সেতু,
 কুমুদীর মনঃ যথা উঠে গো গগনে,
 হেরিতে মুরলীধর— রূপে যিনি শশধর—
 আসিয়াছি আমি দাসী তোমার সদনে—
 তুমি হে অম্বর, কুঞ্জবর, তব চাঁদ নন্দের নন্দন !

২

তুমি জান কত ভাল বাসি শ্যামধনে
 আমি অভাগিনী ;
 তুমি জান, সুভাজন, হে কুঞ্জকুল রাজন,
 এ দাসীরে কত ভাল বাসিতেন তিনি !
 তোমার কুসুমালয়ে যবে গো অতিথি হয়ে,
 বাজায় বাঁশরী ব্রজ মোহিত মোহন,
 তুমি জান কোন ধনী শুনি সে মধুর ধ্বনি,
 অমনি আসি সেবিত ও রাঙা চরণ,
 যথা শুনি জলদ-নিনাদ ধায় রড়ে প্রমদা শিখিনী ।

৩

সে কালে—জলে রে মনঃ স্মরিলে সে কথা,
 মঞ্জু কুঞ্জবন,—

ছায়া তব সহচরী সোহাগে বসাতো ধরি
 মাধবে অধীনী সহ পাতি ফুলাসন ;
 মুঞ্জরিত তরুবলী, গুঞ্জরিত যত অলি,
 কুসুম কামিনী তুলি ঘোমটা অমনি,
 মলয়ে সৌরভধন বিতরিত অনুক্ষণ,
 দাতা যথা রাজেন্দ্রনন্দিনী—গন্ধামোদে
 মোদিয়া কানন !

৪

পঞ্চস্বরে কত যে গাইত পিকবর
 মদন-কৌর্তন,—
 হেরি মম শ্যাম-ধন ভাবি তারে নবধন,
 কত যে নাচিত সুখে শিখিনী, কানন,—
 ভুলিতে কি পারি তাহা, দেখেছি শুনেছি যাহা ?
 রয়েছে সে সব লেখা রাধিকার মনে ।
 নলিনী ভুলিবে যবে রবি দেবে, রাধা তবে
 ভুলিবে, হে মঞ্জু কুঞ্জ, ব্রজের রঞ্জে ।
 হায় রে, কে জানে যদি ভুলি যবে আসি
 প্রাসিবে শমন ।

৫

কহ, সখে, জান যদি কোথা গুণমণি—
 রাধিকারমণ ?

কাম বঁধু যথা মধু তুমি হে শ্যামের বঁধু,
 একাকী আজি গো তুমি কিসের কারণ,—
 হে বসন্ত, কোথা আজি তোমার মদন ?

তব পদে বিলাপিনী কাঁদি আমি অভাগিনী,
 কোথা মম শ্রামমণি—কহ কুঞ্জবর !
 তোমার হৃদয়ে দয়া, পদে যথা পদ্মালয়া,
 বধো না রাখার প্রাণ না দিয়ে উত্তর !
 মধু কহে, শুন ব্রজাঙ্গনে, মধুপুরে শ্রীমধুসূদন !

১৬

সখী

১

কি কহিলি কহ, সই, শুনি লো আবার—
 মধুর বচন !

সহসা হইলু কালা ; জুড়া এ প্রাণের জ্বালা,
 আর কি এ পোড়া প্রাণ পাবে সে রতন ?
 ছাদে তোর পায় ধরি, কহ না লো সত্য করি,
 আসিবে কি ব্রজে পুনঃ রাধিকারমণ ?

২

কহ, সখি, ফুটিবে কি এ মরুভূমিতে
 কুসুমকানন ?

জলহীনা শ্রোতস্বতী, হবে কি লো জলবতী,
 পয়ঃ সহ পয়োদে কি বহিবে পবন ?
 ছাদে তোর পায় ধরি, কহ না লো সত্য করি,
 আসিবে কি ব্রজে পুনঃ রাধিকারঙ্গন ?

হায় লো সয়েছি কত, শ্যামেব বিহনে—

কতই যাতন ।

যে জন অন্তরযামী সেই জানে আর আমি,
কত যে কেঁদেছি তার কে করে বর্ণন ?
হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকামোহন ।

৪

কোথা রে গোকুল-ইন্দু, বৃন্দাবন-সর—

কুমুদ-বাসন !

বিষাদ নিশ্বাস বায়, ব্রজ, নাথ, উড়ে যায়
কে রাখিবে, তব রাজ, ব্রজের রাজন !
হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকাভূষণ !

৫

শিখিনী ধরি, স্বজনি, গ্রাসে মহাফণী—

বিষের সদন !

বিরহ বিষের তাপে শিখিনী আপনি কাঁপে,
কুলবালা এ জ্বালায় ধরে কি জীবন !
হাদে তোর পায় ধরি, কহ না লো সত্য করি,
আসিবে কি ব্রজে পুনঃ রাধিকারতন !

৬

এই দেখ্ ফুলমালা গাঁথিয়াছি আমি—

• চিকণ গাঁথন !

দোলাইব শ্যামগলে, বাঁধিব বাঁধুরে ছলে—
 প্রেম-ফুল-ডোরে তাঁরে করিব বন্ধন !
 হৃদয়ে তোর পায় ধরি, কহ না লো সত্য করি,
 আসিবে কি ব্রজে পুনঃ রাধাবিনোদন ।

৭

কি কহিলি কহ, সই, শুনি লো আবার—
 মধুর বচন ।

সহসা হইলু কালা, জুড়া এ প্রাণের জ্বালা
 আর কি এ পোড়া প্রাণ পাবে সে রতন !
 মধু—যার মধুধ্বনি— কহে কেন কাঁদ, ধনি,
 ভুলিতে কি পারে তোমা শ্রীমধুসূদন ?

১৭

বসন্তে

১

ফুটিল বকুলকুল কেন লো গোকুলে আজি,
 কহ তা, স্বজনি ?
 আইলা কি ঋতুরাজ ? ধরিলি কি ফুলসাজ,
 বিলাসে ধরণী ?
 মুছিয়া নয়ন-জল, চল লো সকলে চল,
 শুনিব তমাল তলে বেগুর সুরব ;—
 আইল বসন্ত যদি, আসিবে মাধব !

যে কালে ফুটে লো ফুল, কোকিল কুহরে, সই,
 কুসুমকাননে,
 মুঞ্জরয়ে তরুবলী, গুঞ্জরয়ে সুখে অলি,
 প্রেমানন্দ মনে,
 সে কালে কি বিনোদিয়া, প্রেমে জলাঞ্জলি দিয়া,
 ভুলিতে পারেন, সখি, গোকুলভবন ?
 চল লো নিকুঞ্জ বনে পাইব সে ধন !

৩

শ্বন, শ্বন, শ্বনে, শুন, বহিছে পবন, সই,
 গহন কাননে,
 হেরি শ্যামে পাই শ্রীত, গাইছে মঙ্গল গীত,
 বিহঙ্গমগণে ।
 কুবলয় পরিমল, নহে এ ; স্বজনি, চল,—
 ও সুগন্ধ দেহগন্ধ বহিছে পবন ।
 হায় লো, শ্যামের বপুঃ সৌরভসদন !

৪

উচ্চ বীচি রবে, শুন, ডাকিছে যমুনা ওই
 রাধায়, স্বজনি ;
 কল কল কল কলে, সুতরঙ্গ দল চলে,
 যথা গুণমণি ।
 সুধাকর-কররাশি সম লো শ্যামের হাসি,
 শোভিছে তরল জলে ; চল, স্বরা করি—
 ভুলিঙ্গ বিরহ-জ্বালা হেরি প্রাণহরি !

ভ্রমর গুঞ্জরে যথা ; গায় পিকবর, সেই,
 সুমধুর বোলে ;
 মরমরে পাতাদল ; মূছুরবে বহে জল
 মলয় হিল্লোলে ;—
 কুসুম-যুবতী হাসে, মোদি দশ দিশ বাসে,—
 কি সুখ লভিব, সখি, দেখ ভাবি মনে,
 পাই যদি হেন স্থলে গোকুলরতনে ?

৬

কেন এ বিলম্ব আজি, কহ ওলো সহচরি,
 করি এ মিনতি ?
 কেন অধোমুখে কাঁদ, আবারি বদনচাঁদ,
 কহ, রূপবতি ?
 সদা মোর সুখে সুখী, তুমি ওলো বিধুমুখি,
 আজি লো এ রীতি তব কিসের কারণে ?
 কে বিলম্বে হেন কালে ? চল কুঞ্জবনে !

কাঁদিব লো সহচরি, ধরি সে কমলপদ,
 চল, হারা করি,
 দেখিব কি মিষ্ট হাসে, শুনিব কি মিষ্ট ভাষে,
 তোষেন শ্রীহরি
 দুঃখিনী দাসীরে ; চল, হইলু লো হতবল,
 ধীরে ধীরে ধরি মোরে, চল লো স্বজনি ;—
 সুখে মধু শূণ্ডা কুঞ্জে কি কাজ, রমণি ?

৪

সখি রে,—

পাত্তরূপে অশ্রুধারা দিয়া ধোব চরণে ।
 ছুই কর কোকনদে, পূজিব রাজীব পদে ;
 স্বাসে ধূপ, লো প্রমদে,
 ভাবিয়া মনে ।
 কঙ্কণ কিঙ্কিনী ধ্বনি বাজিবে লো সঘনে ।

৫

সখি রে,—

এ যৌবন ধন, দিব উপহার রমণে !
 ভালে যে সিন্দূরবিন্দু, হইবে চন্দনবিন্দু;—
 দেখিব লো দশ ইন্দু
 স্ননখগণে !
 চিরপ্রেম বর মাগি লব, ওলো ললনে ।

৬

সখি রে,—

বন অতি রমিত হইল ফুল ফুটনে ।
 পিককুল কলকল, চঞ্চল অলিদল,
 উছলে সুরবে জল,
 চল লো বনে ।
 চল লো, জুড়াব আঁখি দেখি—মধুসূদনে ।

ইতি শ্রীব্রজাঙ্গনা কাব্যে বিরহো নাম

প্রথমঃ সর্গঃ ।

ব্রজাঙ্গনা কাব্য

অসম্পূর্ণ দ্বিতীয় সর্গ

[বিহার]

“মধুসূদন ব্রজাঙ্গনার জন্ত “বিহার” নামক আরও এক সর্গ লিখিতে আরম্ভ করিয়াছিলেন, কিন্তু তাহা সম্পূর্ণ হয় নাই।...” (‘মাইকেল মধুসূদন দত্তের জীবন-চরিত,’ ১ম সংস্করণ, বঙ্গাব্দ ১৩০০, পৃ. ৩৬৩)। প্রথম সর্গের এই কয়েক পংক্তি একখানি পুস্তকের মলাটের পৃষ্ঠায় লেখা ছিল।— ‘মধু-স্মৃতি’, (১৩২৭), পৃ. ২৩২-৩০০ দ্রষ্টব্য।

১

সাজ, সাজ ব্রজাঙ্গনে, রঞ্জে ত্বরা করি ।
মণি, মুক্তা পর কেশে, মেথলা লো কটিদেশে,
বাঁধ লো নূপুর পায়ে, কুসুমে কবরী ॥
লেপ সূচন্দন দেহে, কি সাধে রহিবে গেহে ?
ওই শুন, পুনঃ পুনঃ বাজিছে বাঁশরী ॥

২

নাচিছে লো নিতম্বিনি, কদম্বের তলে ।
শিখণ্ড-মণ্ডিত-শির, ধীরে ধীরে শ্যাম ধীর,
ছুলিছে লো, বরগুঞ্জমালা বর-গলে ।
মেঘ সনে সৌদামিনী— সম রূপে, লো কামিনি,
ঝলে পীতধড়া-রূপে ঝল ঝল ঝলে ॥

৩

হৃদে কুমুদিনী এবে প্রফুল্ল ললনে,
তব আশা-শশী আসি, শোভিছে নিকুঞ্জে হাসি,
কেন মৌনব্রতে তুমি শূন্য নিকেতনে ॥
দেব-দৈত্য মিলি বলে, মথিলা সাগর-জলে,
যে সুধার লোভে, তাহা লভিবে সুন্দরি !
সুধামাখা বিঘাধরে, আছে সুধা তব তরে,
যাও নিতম্বিনি, তুমি অবিলম্বে বনে !

পাঠভেদ

মধুসূদনের জীবিতকালে ‘ব্রজাঙ্গনা কাব্য’র দুইটি সংস্করণ প্রকাশিত হয়। প্রথম সংস্করণের প্রকাশকাল ১৮৬১ খ্রীষ্টাব্দ। মধুসূদন এই গ্রন্থের স্বত্ব বৈকুণ্ঠনাথ দত্তকে দান করেন (ভূমিকা দ্রষ্টব্য)। স্বত্বাধিকারীর “বিজ্ঞাপনে”র তারিখ হইতে বুঝা যায়, ‘ব্রজাঙ্গনা কাব্য’ ১২৬৮ বঙ্গাব্দের ২৮ আষাঢ় তারিখে প্রকাশিত হইয়াছিল। পৃষ্ঠা-সংখ্যা ছিল ৪৬।

দ্বিতীয় সংস্করণ প্রকাশিত হয় ১৮৬৪ খ্রীষ্টাব্দে। ইহা “শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে ষ্ট্যান্‌হোপ্‌ যন্ত্রে যন্ত্রিত” হয়। ইহারও পৃষ্ঠা-সংখ্যা ৪৬। প্রথম সংস্করণের বিজ্ঞাপন ইহাতে পরিত্যক্ত হইয়াছে; প্রকাশকেরও পরিবর্তন ঘটিয়াছে। অত্যাথ্য ইহা প্রথম সংস্করণেরই পুনর্মুদ্রণ; দুই একটি শব্দ পরিবর্তিত ও কয়েকটি বর্ণাঙ্কন সংশোধিত হইয়াছে মাত্র।

নিম্নে প্রথম ও দ্বিতীয় সংস্করণের পাঠভেদ দেওয়া হইল।

পৃষ্ঠা	পংক্তি	প্রথম সংস্করণ	দ্বিতীয় সংস্করণ
৮	২১	বেখেছি	দেখেছি
১১	১৩	বিজুলী	বিজলী
১২	১৪	বাসকিবমণি	বাসুকিবমণি
৩১	১৪	দোলা	দোলে
৩২	১৯	মোহিতে মোহন	মোহিত মোহন
৩৫	৩	যাতন	যাতনা
৩৮	২৪	স্বধে মধু শূন্য	স্বধে মধুশূন্য

পরিশিষ্ট

ভ্রূহ শক ও বাক্যাংশের ব্যাখ্যা

ব্রজাঙ্কনা—মধুসূদন ব্রজাঙ্কনা বলিতে বিশেষ ভাবে রাণাকে বুঝাইয়াছেন। ভূমিকায় উদ্ধৃত তাঁহার পত্র দ্রষ্টব্য। এই কাব্যের আখ্যাপত্রে মধুসূদন শ্রীকৃষ্ণচন্দ্র শর্মা বিরচিত বিখ্যাত সংস্কৃত কাব্য “পদাঙ্কদূতম্”—এর প্রথম শ্লোকটি অংশতঃ উদ্ধৃত করিয়াছেন। সম্পূর্ণ শ্লোকটি এইরূপ—

গোপীভর্তৃবিবহবিধুবা কাচিদিন্দীববাঙ্কী
উন্নত্তেব স্থলিতকবরী নিঃশস্যী বিশালম্ ।
তত্রৈবাস্তে মুররিপুরিতি ভ্রাস্তিদৃতীসহায়
ত্যক্তা গেহং ঝটিতি যমুনামঞ্জুগুঞ্জং ভ্রগাম ॥

ইহার অর্থ—কোনও পদপলাশলোচনা গোপীনাথের বিবাহে অধীর হইয়া পাগলের মত স্থলিতকবরী অবস্থায় দীর্ঘনিঃশ্বাস ফেলিতে ফেলিতে মূর্খিতপু [কৃষ্ণ] সেখানে আছেন, এইরূপ ভ্রান্ত বিশ্বাসে বশবর্তী হইয়া দ্রুত গৃহ পরিত্যাগ করিয়া যমুনা-তীরের মঞ্জু গুঞ্জে গমন কবিলেন।

এই নিবহোন্নতা রাধিকার দশাভেদ দেখাইয়া ‘ব্রজাঙ্কনা কাব্যে’র ১৮টি কবিতা রচিত। বিবহবিধুবা, ভ্রাস্তিদৃতীসহায় ও উন্নত্তা, এই তিনটি বিশেষতঃ ব্রজাঙ্কনার রাধিকার প্রতি বিশেষভাবে প্রযোজ্য।

১ : ২। কমল কাননে—কমল-কাননে। এই কাব্যে মধুসূদন বহু স্থলেই সমাসবদ্ধ অথবা যুক্ত পদগুলিকে (compound words) পৃথক্ রাখিয়াছেন, জুড়িয়া দেন নাই অথবা হাইফেন প্রয়োগ করেন নাই। এ যুগের পাঠকদের অর্থবোধের অসুবিধা হইবে বিবেচনায় আমরা একপ কয়েকটি পৃথক্ পদের প্রতি দৃষ্টি আকর্ষণ করিব।

শম্বর অরি—শম্বর-অরি, শম্বরাস্বরকে নিধনকারী কাম, মদন।

৩। কেন—মধুসূদন প্রথম কবিতায় “কেন” লিখিয়াছেন, এই কাব্যের অন্তর্ভুক্ত “কেনে” প্রয়োগেরই বাহুল্য।

শরমের ফাঁসি—লজ্জার বাঁধন।

ঘন—মেঘ। *

- ৪। ফুল ফাঁদ—ফুল-ফাঁদ ।
ছয় ঋতু বরে যারে—শীত, গ্রীষ্ম প্রভৃতি ছয়টি ঋতু যাহাকে বরণ করে ;
পৃথিবী । ঋতুগুলিকে পৃথিবীর স্বামী বলা হয় ।
- ৫। নিশি রূপবতী—নিশি রূপবতী [হয়] ।
- ৬। কালে পিও—যথাকালে পান করিও ।
- ২ : ১। স্নগন্ধ-বহ-বাহন—স্নগন্ধবহ বায়ু যাহার বাহন অর্থাৎ মেঘ ।
ইন্দ্র চাপ—ইন্দ্র-চাপ, ইন্দ্রধনু, রামধনু ।
- ৩। জলদ কিঙ্করী—জলদ-কিঙ্করী, মেঘের প্রেয়সী চাতকিনী ।
- ৪। রত্নচূড়া—রতন চূড়া ।
- ৫। আখণ্ডল ধনু—আখণ্ডল-ধনু, ইন্দ্রধনু ।
- ৩ : ২। তেঁই—সেই কাবণে ।
কাদম্বিনী—মেঘ ।
শৈলনাথ কাঞ্চন ভবনে—শৈলনাথ-কাঞ্চন-ভবনে, পর্বতের স্বর্ণ-পুৰীতে
অর্থাৎ পাহাড়ে ।
সেও রাজার নন্দিনী—রাধাও রাজা বৃকভানুর কন্যা ।
- ৩। তিত্তিছে—ভিজিছে ।
- ৪। সাদ—সাধ ।
- ৫। গোপিলে—গোপন করিলে ।
- ৮। অর্পণ সাগর-করে তিনি তব পাণি—যমুনা গঙ্গায় গিয়া মিশিয়াছে এবং
গঙ্গার জল সাগরে যাইতেছে ; কবি বলিতেছেন, গঙ্গা (হরপ্রিয়া
মন্দাকিনী) যেন যমুনার হাতে সাগরকে অর্পণ করিতেছে ।
- ৯। তারাময় হার……শিরে ধরি—তারা ও চন্দের প্রতিবিম্বপাতে ।
- ১০। যেমনি—যেমন ।
- ৪ : ২। ঘনে—মেঘে ।
- ৩। শক্র-ধনু—ইন্দ্রধনু ।
বিজলী কনক দাম—বিজলী-কনক-দাম, বিদ্যারূপ স্বর্ণময় হার ।
- ৫ : ১। অবি—মুদ্রাকরপ্রমাদ, “অরি” হইবে ।
বৈদেহী—সীতা ।
বাসুকি-রমণি—বাসুকি-রমণী, পৃথিবী ।

- ২। অভাগা—“অভাগী” সঙ্গত পাঠ।
 ঋতুকামিনি—ঋতুকামিনী, পৃথিবী।
- ৩। শমীর হৃদয়ে অগ্নি জ্বলে—শমীগৃক্ষের অভ্যন্তরে অগ্নি জ্বলে; অগ্নির বৈদিক নাম শমীগর্ভ।
 জীবন যৌবনতাপে হারাত তাপিনী—“যৌবনতাপে” ছাপান হুল, দুইটি সংস্করণেই এইরূপ আছে। “যৌবন তাপে” হইবে। অর্থ—
 উত্তাপে জীবন ও যৌবন, দুই-ই হারাইত।
 দুহে—উভয়কে।
- ৪। ঋতুকুলপতি—বসন্ত।
 তাহার বিরহ দুঃখ—তাহার সহিত তোমার বিরহদুঃখ, বসন্তের অভাবে ধরণীর বিরহদুঃখ।
- ৫। অনন্ত, ... বনে—অনন্ত ও সমুদ্র, পৃথিবীর এই দুই পতি।
 মধুবিলাসিনী—বসন্তবিলাসিনী।
- ৬। কালে—যথাকালে।
- ৬ : ২। কোপে—কুপিত হয়।
 উভয়—উভয়ে।
- ৩। আকাশ-নন্দিনি—আকাশ-নন্দিনী; শূন্য হইতে সমুখিতা প্রতিধ্বনি।
 নিরাকারা ভারতি—নিরাকারা ভাবতী, প্রতিধ্বনি।
- ৫। আকাশসম্ভবে—আকাশ-সম্ভবা, প্রতিধ্বনি।
- ৭। ছল—কৌতুক।
- ৭ : ১। বরসরোজিনী—মনোহর পদ্ম।
- ২। আঁধা—অন্ধ।
- ৪। মুকুতা কুণ্ডলে—মুকুতা-কুণ্ডলে, শিশিরবিন্দু দ্বারা।
- ৮ : ১। যতনে—যত্ন করে।
- ৬। দলি ব্রজবন—এই পংক্তিতে ছন্দপতনদোষ ঘটয়াছে। পাঁচ অক্ষর থাকি উচিত ছিল।
- ৯ : ১। গাহে বিছাধরী যথা—“যথা”র পরে একটি কমা-চিহ্ন বসিলে অর্থসঙ্গতি হয়।
 কমলা জ্বিনি—কমলাকে পরাস্ত করিয়াছে যে।
- ৩। ভূল্য—উপযুক্ত।

- ৫। রাধিকা-বাসন—রাধিকা-বাহা।
- ৬। দেব কুসুম যুবতী—মুদ্রাকরপ্রমাদ। “দেব, কুসুম-যুবতী” হইবে।
- ৭। কিরে—দিব্য।
করে—করিয়া।
- ৮। আর কথা—অন্য কথা।
- ১০ : ১। অমনি—সাহায্য ব্যতিরেকে, আছতি ছাড়াও।
- ৪। ব্যাধ যেন পাত্ৰী পাত্ৰিয়া ফাঁসি—যেন = যেমন ; ব্যাধ যেমন ফাঁদ পাত্ৰিয়া
পাত্ৰী ধরে, তেমনি।
মগনে না—ডোবে না।
- ৫। স্মরণ তার ?—স্মরণ তার কি প্রয়োজন ?
মধুরাজ—দ্ব্যর্থক, বসন্ত ও শ্রীকৃষ্ণ।
- ১১ : ৩। ব্রজ নিষ্কলঙ্ক শশী—ব্রজ-নিষ্কলঙ্ক-শশী ; ব্রজের নিষ্কলঙ্ক শশী, শ্রীকৃষ্ণ।
- ৪। তিতিও না—ভিজাইও না।
- ৬। মোদিত—গঙ্গামোদিত।
কুবলয়—কুমুদী।
- ১২ : ১। সরঃ স্মশোভিনী—মুদ্রাকরপ্রমাদ, “সরঃ-স্মশোভিনী” শুদ্ধ পাঠ। নগিনী
অর্থে।
- ২। রূপে—রূপের বিচারে।
যথা—যেমন।
- ৩। রঞ্জিত—রঞ্জিত।
তরুবলী—তরুশ্রেণী (মধুসূদনের প্রয়োগ)।
- ৪। সূতারা—তারা-স্মশোভিত।
- ৫। বারণে—হস্তীকে।
বারণারি—সিংহ।
- ৬। করে—করিয়া।
- ১৩ : ১। তরল—চঞ্চল, চপল।
কি ভাবে ভাবিনী—কোন্ ভাবে ভাবাশিতা।
- ৪। সারি—সারাইয়া।
বেড়ি—শৃঙ্খল।

- ১৪ : ১ । পরেছিল কুতূহলে,—মুদ্রাকরপ্রমাদ, “পরেছিল কুতূহলে” হইবে ।
 ২ । গলে পড়ে—গ’লে প’ড়ে, গলিয়া পড়িয়া ।
 ৩ । কুঞ্জ শোভা—কুঞ্জ-শোভা ।
 ৪ । যে ধন—প্রেম-ধন ।
- ১৫ : ১ । তুমি হে অম্বর—আকাশের সহিত কুঞ্জের তুলনা করা হইয়াছে ।
 ২ । হে কুঞ্জকুল রাজন—হে কুঞ্জকুল-রাজন ।
 ২ । মোহিত—মুগ্ধ করিত ।
 রড়ে—ক্রত গতিতে ।
 ৩ । কুম্ভ কামিনী—কুম্ভ-কামিনী ।
 তুলি ঘোমটা—বিকশিত হইয়া ।
 ৪ । রবি দেবে—রবি-দেবে, সূর্য্যদেবকে ।
 ৫ । কাম বঁধু যথা মধু—কাম-বঁধু যথা মধু ; বসন্ত যেমন মদনের বন্ধু ।
 পদ্মালয়া—লক্ষ্মী ।
- ১৬ : ৪ । বৃন্দাবন-সর—কুমুদ-বাসন—মুদ্রাকরপ্রমাদ । “বৃন্দাবন-সর-কুমুদ-বাসন”
 হইবে । বৃন্দাবনরূপ সরোবরের কুমুদ, তাহার বাসন বা বাঞ্ছিত ।
 উড়ে যায়—“উড়ে যায়,” সঙ্গত ।
- ১৭ : ৩ । পাই—পাইয়া ।
 কুবলয়—নলিনী, পদ্ম ।
 ৭ । স্বপ্নে—শুধায়, প্রসন্ন কবে ।
- ১৮ : ১ । রমিত—আনন্দিত ।
 ৩ । ফুলজালে—পুষ্পস্তবকে ।